

5

T2251/1444

奇姓通卷七

去聲上

種首

鳳綱

用羽之

痛無忌

重異

甕蕙

凍泰

夢仲才

被瞻

翠鴛鴦

利甲

懿橫

哈佛大學漢和
圖書館珍藏印

雨山
學人
印

冀元亨

刺正甫

智浹

地典

暨豐

騎劫

帥子連

已茂

駟先生

字長孺

次公

貳塵

摯恂

肆敏

祕彭祖

意秀

戲志才

媿牟

義太初

異牟尋

示容

類犴反

自當

貴遷

尉繚

未央

既良

鑣金

奇姓通 卷七 目
據成

慮癸

署奎

庶秀

譽粹

絮舜

御刀

慕子長

兎譚

度轂

具瑗

露睹父

諭歸

務光

孺悲

柱厲叔

戊盈孫

瓠巴

付吉

鑄氏

劑貌辨

附得意

固來

藝元

布興

絢紡

世碩

銳管

裔款

貝橫

桂萬榮

稅新

敵無存

帶暉

刈懷

閉魯

洩堵寇

濟火

吞道元

薊子訓

隸首

彘恭

厲玄

太命

會栩

殺諷

對若芳

貝羽

鄒士隆

奈亨

頤元

大款

帶佗

賴仙芝

敗崇美

崩徹

賈廷傑

祭癸

邁文麟

賈尚

噲鵠

拜降

介象

怪義

快欽

貸子相

代舉

能意

愛薛

內宜之

載君用

仞湛

進儉

豐夏

韻鰲

晉馮

奇姓通卷七

去聲上

江陰夏樹芳茂卿輯

華亭陳繼儒仲醇校

種首

史記齊威王四臣之一。吾臣有種首者。使備盜賊。則道不拾遺。

鳳綱

丹鉛錄。鳳綱。古仙人。壽倍彭祖。

用羽之

風俗通云。古用國。見毛詩。在高唐乃用地。故有用姓名。士錄有用羽之。

痛無忌

弇州集。周穆王盛姬早卒。穆王哀痛不已。加禮葬之。改其族曰痛氏。周有痛無忌。見

急就章

重異

南北朝重異。大彤渠帥。將兵二十萬。與張步戰。重傳容切。

甕蕙

字季芳。安肅人。嘉靖丙辰進士。官懷慶知府。

奇姓通 卷七
二二〇二六
凍秦

睢州人。正統間知利津縣。廉明仁恕。振士風。革吏弊。百姓懷服。至今稱之。

夢仲才

宋萬安人。紹定進士。

被瞻

呂覽。晉公子重耳自蒲奔翟之鄭。鄭文公

不禮焉。被瞻諫曰。臣聞賢主不窮窮。今晉公子之從者。皆賢者也。君不禮也。不如殺之。鄭君不聽。去鄭之荆。荆成王慢焉。去荆之秦。秦穆公入之。晉既定。興師攻鄭。求被瞻。被瞻謂鄭君曰。不若以臣與之。鄭君曰。此孤之過也。被瞻曰。殺臣以免國。臣願之。被瞻入晉軍。文公將烹之。被瞻據鑊大呼。

曰。三軍之士。皆聽瞻也。自今以來。無有忠於其君。忠於其君者。將烹文公。謝焉。罷師歸之於鄭。

翠鴛鴦

翠氏。楚景翠之後也。避入關。播遷。懷士逃匿。改姓爲翠。鴛鴦。取匹鳥爲名。

利甲

上猶人。項羽將利幾之後。又宋有利申。元豐間。游學江都。有廣陵集。郭勁序之。以爲其放得於李白。其易得於樂天。其謬得於聶叟。其嚴得於昌黎。蓋一時文人之雋也。

懿橫

秦懿公之後。南北朝爲吏部郎。

冀元亨

奇姓通 卷七
四
字惟軋。武陵人。正德丙子鄉薦。幼有志操。動以古人自期。爲學務探本源。不爲口耳之學。嘗從王守仁遊。甚加器重。守仁擒逆濠。爲人中傷。嫁禍於亨。詔繫獄。守仁力鳴其寃。會肅皇帝登極。詔釋之。先五日。遘疾卒於獄。嘉靖乙丑。常武建陽明書院。以元亨配享。

刺正甫

姓苑。唐刺正甫撰。姑蘇水利志十卷。

智浹

宋智浹。汾州人。通春秋左傳。好直言。岳飛以賓客待之。飛初下吏。浹上書鳴其寃。流袁州。

地典

黃帝七輔地典受州絡出陶淵明聖賢羣
輔錄。

暨豔

三國暨豔字子休吳郡人爲選曹尚書性
狷厲好持清議時郎曹混濫多非其人豔
臧否區別賢愚異貫。

騎劫

燕人代樂毅爲將。

帥子連

漢人形貌魁奇膂力邁衆獨住魏夫人觀
三十年寂無黔爨宋興國中盛夏尸解有
僧紹能於關右見之。

已茂

漢太常卿。

奇姓通 卷十
駟先生

齊人。淮陽憲王母舅張博遺王書曰。聞齊有駟先生者。善爲司馬兵法。方今邊疆弗靖。天下騷動。非此人莫能安之。左傳有駟赤。

字長孺

漢人。見印藪。又宋有字諤。廉州推官。

次公

功臣表。次公以匈奴歸義王降。封瞭侯。宋有次膺。萊州人。幼孤。從母依外氏王聖美。於丹徒。力學善詩文。孝宗朝。累官御史中丞。立朝蹇諤。仕宦五十年。無絲毫挂吏議。

貳塵

後魏平陽太守。

摯恂

漢摯恂。永初中以儒術教授。隱於南山。名重關西。馬融從之游學。恂以女妻之。又摯虞。字仲能。長安人。撰文帝志四卷。族姓昭穆十卷。

肆敏

漢時為漢陽太守。宋大夫肆臣之後。見風

俗通。

祕彭祖

功臣表。高后時以卒從起沛。以卒開沛城門為太公僕。以中廐令擊陳豨有功。封戴敬侯。

意秀

歐寧人。成化中河間府獻縣訓導。

戲志才

曹操問謀畫士於荀彧。郭嘉。鍾繇。陳羣。戲志才。諸賢。時以為知人。又戲露薄。見潜夫論。

媿牟

漢媿牟。著同異堅白之論。

義太初

宋義太初。字仲遠。少以詞賦名。尋舍去。宗濂溪之學。楊城齋。朱晦菴。趙端明。皆與之游。號冰壺。有冰壺詩十卷。易集註五卷。文集二十卷。又漢書酷吏傳有義縱。居官以鷹擊毛摯為治。

異牟尋

唐異牟尋。蒙伽異之子。自閣羅鳳叛至異

牟尋有智略。善撫衆。遂收之。從鄭回之說。後歸唐。冊封南詔王。按姓譜。白水蠻有此姓。

示容

本朝有示容。宣德中舉賢良。

類犴反

睢陽人有辱其父而睢陽太守俱出犴反。

殺其仇車上。又上變告梁平王。見梁世家。

自當

元英宗時監察御史錄囚大興縣。有以冤事繫獄者。其人嘗見有橐蛇歿道傍。因昇至其家醢之。置數甕中。會官橐蛇被盜。捕索甚急。乃執而勘之。其人自誣服。自當審其獄情。疑爲冤。卽以土御史臺臺臣以爲

臧既具。是時御史畏殺人耳。不聽。改委他御史讞之。竟處死。後數日。遼陽行省以舊盜聞。寃始白。人以是服其明。

貴遷

漢廬江太守。

尉繚

漢書。尉繚著書二十九篇。師古曰。尉姓。繚

名。劉向別錄云。繚爲商君之學。

未央

漢人。知天文。見李淳風乙巳占。

旣良

漢南安長史。

鑣金

楚大夫。左傳。鑣金初宦於子期氏。實與隨

人。要。言。王。使。見。辭。曰。不。敢。以。約。爲。利。王。割。子。期。之。心。以。與。隨。人。盟。

據成

王田人宣德中漏刻博士。

慮癸

左傳南蒯之將叛也盟費人其家臣老祁慮癸僞癢疾使請於南蒯曰臣願受盟而

疾興若以君靈不歿請待間而盟許之後南蒯奔齊二人遂逐蒯而歸費。

署奎

漢人見印數。

庶秀

周公之師見潛夫論又漢有庶羈遂見急就章。

奇生通 卷七
譽粹

晉人爲平原太守。國朝宣德中有譽哲。

絮舜

漢捕賊掾有絮舜。張敞怒絮有五日京兆之言枉歿。敞以此免官。

御刀

南齊人與梅蟲兒等時稱八要。又魯大夫

御孫諫。昭公刻桷。又漢有御長倩。公孫弘故人。

慕子長

湘陰人。弘治中湘江訓導。

兔譚

漢人見印藪。

度轂

韓非子。顏回。明仁於度。轂程嬰顯義於趙。武。度。轂。蓋人名也。又漢有山陽人度尚。字博平。爲上虞長。明於發奸摘伏。吏人謂之神明。以討賊功。進遼東太守。封右鄉侯。

具瑗

東漢宦官。元城人。以預誅梁冀有功。封東武陽侯。

露睹父

魯大夫。國語。公父文伯飲南宮敬叔酒。以露睹父爲客。羞鼈焉。小。睹父怒。相延食鼈。辭曰。將使鼈長。而後食之。遂出。文伯之母聞之。怒曰。吾聞之。先子曰。祭養尸。饗養上賓。鼈於何有。而使夫人怒也。遂逐之五日。魯大夫辭而復之。又漢有上黨都尉露平。

諭歸

晉曲阜令撰西河記。

務光

呂氏春秋湯以天下讓於務光曰智者謀之武者遂之仁者居之吾有天下請以相子光辭曰廢上非義也殺人非仁也人犯其難我享其利非廉也吾聞非義不受其

祿無道之世不踐其位况於尊我我不忍見也遂負石自沈於蓼水。

孺悲

禮雜記篇恤由之喪哀公使孺悲學士喪禮於孔子士喪禮於是乎書。

柱厲叔

呂覽柱厲叔事莒敖公自以為不知而去。

居於海上。夏日則食菱芡。冬日則食橡栗。莒敖公有難。柱厲叔辭其友而往。死之。其友曰。子自以為不知。故去。今又往。死之。是知與不知無異別也。柱厲叔曰。不然。自以為不知。故去。今死而弗往。死。是果知我也。吾將死之。以醜後世人。主之不知其臣者也。

戊盈孫

唐河陽令。

瓠巴

善鼓琴。六馬仰秣。游魚出聽。

付吉

永樂中監察御史。剛直有為。陞陝西按察副使。

鑄氏

左傳。臧宣叔娶鑄氏。

劑貌辯

呂氏春秋。靜郭君。田嬰也。孟嘗君。田文之父。為薛君。號曰靜郭君。靜郭君善劑貌辯。劑貌辯之為人也多訾。門人弗悅。士尉以證靜郭君。靜郭君弗聽。士尉辭而去。孟嘗

君竊以諫靜郭君。靜郭君大怒曰。剗而類。揆吾家。苟可以儉劑貌辯者。吾無辭為也。於是舍之上舍。令長子御。朝暮進食。數年。威王薨。宣王立。靜郭君之交大不善於宣王。辭而之薛。與劑貌辯俱。留無幾何。劑貌辯辭而行。請見宣王。靜郭君曰。王之不悅。嬰也甚。公往。必得死焉。劑貌辯曰。固非求。

生也。請必行。靜郭君不能止。劑貌辯行。至於齊。宣王聞之。藏怒以待之。劑貌辯見。宣王曰。子。靜郭君之所聽愛也。劑貌辯答曰。愛則有之。聽則無有。王方爲太子之時。辯謂靜郭君曰。太子之不仁。過順涿視。若是者。倍反。不若革太子。更立衛姬嬰兒。校師。靜郭君。法而曰。不可。吾弗忍爲也。且靜郭

君聽辯而爲之也。必無今日之患也。此爲一也。至於薛。昭陽請以數倍之地易薛。辯又曰。必聽之。靜郭君曰。受薛於先王。雖惡於後王。吾獨謂先王何。且先王之廟在薛。吾豈可以先王之廟予楚乎。又不肯聽辯。此爲二也。宣王太息動於顏色。曰。靜郭君之於寡人。一至此乎。寡人少。殊不知此。客

肯爲寡人少來靜郭君乎。劑貌辯答曰。敬諾。靜郭君來。衣威王之服。冠其冠。帶其劍。宣王自迎靜郭君於郊。望之而泣。靜郭君至。因請相之。當是時也。靜郭君可謂能自知人矣。能自知人。故非之弗爲阻。此劑貌辯之所以外生樂趨患難故也。

附得意

唐監察御史附得意。又附不疑。上元人。

固來

晉平公時人。

藝元

元史藝元。寶坻人。始爲黃冠。師事青州把道錄。傳其藝。至元中。凡兩都名刹。塑土範。金搏換爲佛像。出元手者。神鬼妙合。百態。

生動。

布興

周有布子。趙人善相馬。又晉有布興。江夏人。見陶侃傳。

絢紡

宋開封人。見氏族志。

世碩

周時人。七十子之弟子。著世子二十卷。又臨穎有世家寶。字觀益。讀書知兵法。洪武中爲刑部尚書。見一統志。

銳管

晉御史大夫。又銳敏。爲唐水軍使。

裔款

漢裔款。見古今人表。

吳橫

後漢城陽吳橫。明帝時人。吳音桂。

桂萬榮

字夢協。慶元二年進士。授餘干尉。邑多豪右。一裁以剛介。時相史彌遠欲招致之。不赴。歷官尚書右丞。國朝有桂彥良名德。桂文襄名萼。皆一時名臣。

稅新

四川人。成化進士。

敝無存

左傳。齊侯伐晉夷儀。敝無存之父將室之。辭以與其弟。曰。此役也。不效。反必娶於高國。先登。求自門出。死於雷下。齊侯謂夷儀人曰。得敝無存者。以五家免。乃得其尸。公

漢濟火爲牂牁帥。聞諸葛武侯南征，積糧通道以迎。武侯大悅，遂命爲先鋒，贊武侯以平西南夷。擒孟獲，及歸克普里，狝獠氏。武侯以昭烈命，爲羅甸王。

喬道元

漢喬道元著天公論。喬音桂。

薊子訓

漢方技傳。建安中人嘗游洛中，見公卿數十處，皆持斗酒片脯候之。坐上數百人，飲啖終日不盡。去後惟見白雲騰起數十處。後魏正始中，於長安東霸城有見之者。與一老翁摩挲銅人曰：適見鑄此，近百歲矣。時呼爲薊先生云。

隸首

音如通 卷七 三三 敬
疏。佗紀黃帝命隸首定數以率其羨以要其會以定律度量衡。注云。四器生於律。律本於數。故隋志云。隸首作數律之本也。

隸恭

見左傳。

厲玄

唐詩人。又

國朝有厲光。字伯潛。篤學修

行。與孫潤齊名。贈誠意伯劉公詩曰。樞省分龍鉞。金圭出虎符。春秋誅少卯。天地一洪鑪。月野橫秋隼。霜城泣曉烏。他時誰坐嘯。今復見平吳。

太命

漢書。太命著書二十七篇。命古禹字。又尚書太顛。武王十亂之一。又五代時有太相

溫石敬瑭將。

會栩

漢武陽令。

殺諷

光祿勳河南人鄧騭推進天下賢士殺諷何熙等列於朝。

對若芳

見急就章。

貝羽

漢末為華容長見司馬彪戰畧又國朝有貝瓊字廷瑀居支山博覽經史尤工於詩洪武初徵修元史所著有清江文集。

鄒士隆

宋進士。

奈亨

字彥通。香河人。初為吏。太宗起靖難兵。守北平有功。授修武縣丞。陞吏部文選司主事。正德初。遷光祿卿。諂事太監王振。自陳城守功。臣戶部左侍郎。亨為人有才。諂克舉職務。第素無學術。不修士行。惟阿附權貴。時論薄之。

顧元

顧音類。漢顧元為交州刺史。有聲。

大款

路史。大款為顓帝之師。大山稽為黃帝之師。大撓為黃帝之臣。

帶佗

秦相。見過秦論。

詩如通 卷七
賴仙芝

紹興間人。與東坡友善。又有布衣賴文進。善地理。注四元天星。

敗崇美

五代時爲晉守澤潞州。

蒯徹

字通。范陽人。楚漢時說士。武信君嘗用其

策。降燕趙三十餘城。韓信用其策。遂定齊地。自序其說號曰雋永。凡八十一首。

賣廷傑

羅城人。嘉靖中福建寧德縣丞。

祭癸

漢書祭癸。宣帝時以言便宜。至弘農太守。劉向別錄云。祭癸。邯鄲人著祭子一篇。又

東漢祭遵。字弟孫。恭儉好學。從光武征河
北有功。封潁陽侯。弟彤為黃門侍郎。居官
三十年。衣無兼副。顯宗美其清約。賜錢百
萬。

邁文麟

慈利人。正統中江西叅政。

蕢尚

禮記哀公使人弔蕢尚。遇諸道。辟於路。畫
宮而受弔焉。曾子曰。蕢尚不如杞梁之妻
之知禮也。又孔子弟子有蕢晴。唐白鶴觀
道士有蕢雲陶。蕢音蒯。

噲鵠

周時孝子。鶴銜珠與之。又噲參亦見孝子
傳。

拜降

元慶元路治中。歲大饑。徒步詣行省。力請粟四萬石。路中全活甚衆。

介象

列仙傳。介象。字元則。會稽人。通五經百家之言。陰修道法。能隱形變化。有學道者密表奏象於吳主。吳主徵象至武昌。爲象起

第宅以居。屢試神仙幻術。往往奇中。一日吳主賜梨一奩。象食之。須臾便歿。吳主殯埋之。次日巳至建業。以所賜梨付苑吏種之。吏後以表聞。吳主視其棺中。惟一奏版符耳。弟子復見象在蓋竹山中。持白桃花一枝。顏色更少焉。

怪義

春秋元命苞云。炎帝之臣曰怪。義生白阜。圖地形。為神農通水脈。使不壅塞。

快欽

快音桂。哀帝時。師丹上封事。下獄。博士快欽。上書言丹經行近世。無比。被貶秩二等。

貸子相

韓詩外傳。湯學乎貸子相。

代舉

趙人。見史記。又宋有代淵。性簡潔。事親孝。受學於季旼。張達以太子中允致仕。著周易旨要等書。自號虛一子。

能意

能音耐。能意。齊宣王直臣。見呂覽。又有能元皓。為唐名將。

愛薛

西域弗林人。通西域諸部語。工星律醫藥。諸家初事金定宗。直言敢諫。世祖嘗詔都城大作佛事。集教坊妓樂。愛薛奏曰。高麗新附。山東初定。江南未下。天下疲弊。此無益之費。甚無謂也。帝嘉納之。本朝有愛莫助。廣西融縣人。

內宜之

漢之謀士。又有內利唯。見印藪。

載君用

本朝載君用。吳邑人。父福。洪武中因監稅失火。法當死。君用代父刑於閹門。其妻吳氏以守節旌。

俱湛

奇始通 卷七
三十一
俱。母代切。晉山公集有俱湛。

進儉

漢黃門。見後漢書。

釁夏

釁夏。魯宗人。公子荆之母。嬖於哀公。將以爲夫人。使釁夏獻其禮。對曰。無之。公怒曰。汝爲宗司。立夫人國之大禮。何故無之。對

曰。周公及武公娶於薛。孝惠娶於商。自桓以下。娶於齊。此禮也。以妾爲夫人。則固無其禮也。公卒立之。而以荆爲太子。國人始惡之。

韻鰲

清源人。永樂中薦賢書。

晉馮